



JIZZAX VILOYATI YANGIOBOD TUMANI HOKIMI QARORI

2023 - yil 14 - mart

28-3-54-Q/23

Yangiobod tumani hokimligi

Tumanda 2023-yilda transport vositalarini majburiy texnik ko‘rikdan o‘tkazish to‘g‘risida

O‘zbekiston Respublikasi “Yo‘l harakati xavfsizligi to‘g‘risida”gi Qonunining 17-moddasi, O‘zbekiston Respublikasi Vazirlar Mahkamasining 2021-yil 9-martdagi 125-sonli qarori bilan tasdiqlangan “Transport vositalarini majburiy texnik ko‘rikdan o‘tkazish tartibi to‘g‘risida”gi Nizomga (keyingi o‘rinlarda – Nizom) muvofiq transport vositalarining 2023-yilda majburiy texnik ko‘rigini tashkil qilish maqsadida, O‘zbekiston Respublikasi “Mahalliy davlat hokimiyati to‘g‘risida”gi Qonunining 6-, 25-moddalariga asosan

Q A R O R Q I L A M A N:

1.Tuman hududidagi mulkchilik shaklidan qat’iy nazar yuridik va jismoniy shaxslarga tegishli bo‘lgan transport vositalari majburiy texnik ko‘rikdan o‘tkazilsin.

2. Tumanda transport vositalarini majburiy texnik ko‘rikdan o‘tkazish bo‘yicha tuman komissiyasi tarkibi 1-ilovaga, jismoniy va yuridik shaxslarga tegishli bo‘lgan transport vositalarining 2023-yilgi majburiy texnik ko‘rikdan o‘tkazish jadvali 2-ilovaga muvofiq tasdiqlansin.

3.Transport vositalari quyidagi davriylikka muvofiq texnik ko‘rikdan o‘tkazilsin:

a) tijorat asosida yo‘lovchilar tashish faoliyati bilan shug‘ullanuvchi yengil avtomobillar, avtobuslar, trolleybuslar, tramvaylar va o‘rindiqlar soni 8 ta va undan ortiq bo‘lgan (haydovchining o‘rnidan tashqari), odamlarni muntazam tashish

uchun jihozlangan yuk avtomobillari, yirik gabaritli, og'ir vaznli va xavfli yuklarni tashish uchun maxsus transport vositalari va ularning tirkamalari — bir yilda ikki marta;

b) ishlab chiqarilganiga olti yildan ko'p bo'lmagan transport vositalari (mazkur bandning "a" kichik bandida ko'rsatilgan transport vositalaridan tashqari) — ikki yilda bir marta;

v) ishlab chiqarilganiga olti yildan ortiq bo'lgan, shuningdek, ishlab chiqarilgan vaqti aniq bo'lmagan transport vositalari (mazkur bandning "a" kichik bandida ko'rsatilgan transport vositalaridan tashqari) - bir yilda bir marta;

g) tirkamalar texnik ko'rikka transport vositasi - shatakchi uchun belgilangan muddatlarda;

d) navbatdagi texnik ko'rikdan o'tkazishning ilgari o'rnatilgan muddatlaridan qat'i nazar, ularni Davlat yo'l harakati xavfsizligi xizmati (keyingi o'rinlarda - DYHXX) organlarida ro'yxatdan o'tkazish (qayta ro'yxatdan o'tkazish) vaqtida (birinchi marta ro'yxatga olinayotgan yangi transport vositalari bundan mustasno).

4.Mazkur qarorning 3-bandi "a" kichik bandida ko'rsatilgan transport vositalarining texnik ko'rigi:

birinchi marta - 1 mart - 30 iyun;

ikkinchi marta – 1 sentyabr - 31 oktyabr muddatida o'tkaziladi.

Jismoniy va yuridik shaxslarga tegishli boshqa transport vositalarining texnik ko'rigi 1 yanvar – 31 dekabrda o'tkaziladi.

5.Transport vositalarini majburiy texnik ko'rikdan o'tkazish tuman komissiyasi rahbariga transport vositalarining texnik ko'rikdan o'tkazishda:

transport vositasini ro'yxatdan o'tkazish to'g'risidagi guvohnomada (texnik pasportda, texnik talonda) ko'rsatilgan ma'lumotlarga transport vositasi turi, markasi, modeli, davlat ro'yxatidan o'tkazish raqami belgilari, shassi (rama), kuzov va dvigatelning identifikatsiyalash raqamlarining muvofiqligi;

transport vositasining texnik holati va jihozlari texnik reglamentlar, standartlar talablariga, yo'l harakati xavfsizligi qoidalari va normalariga muvofiqligi;

maxsus va tezkor xizmatlarning transport vositalarida maxsus rangli va ovozli

signallar qurilmalarining mavjudligi, sozligi va qonuniyligi, shuningdek, transport vositasining rang-grafik bo'yash sxemalarining texnik reglamentlar yoki standartlar talablariga muvofiqligi;

gaz yonilg'isida ishlash uchun qayta jihozlangan transport vositalarini texnik ko'rikdan o'tkazishda gaz ballonlarining foydalanish muddati, ishlab chiqarilgan yili, zavod raqami, gaz ballonlarini sinovdan o'tkazish muddatlari, gaz balloni anjomlarining belgilangan talablarga muvofiqligini tekshirilishini ta'minlasin.

6.Transport vositalarining majburiy texnik ko'rigi DYHXX organlari hamda tadbirkorlik sub'ektlari – yuridik shaxslar tomonidan Nizomga muvofiq o'tkaziladi hamda tegishli yig'im undiriladi.

Transport vositalarining texnik holati va uskunalarining muvofiqligini baholash uchun DYHXX organlari tomonidan vazirliklar, idoralar va boshqa tashkilotlarning texnika bazalari, shuningdek, xususiy texnik xizmat ko'rsatish stantsiyalari shartnoma asosida jalb etilishi mumkin.

Jismoniy shaxslarga tegishli bo'lgan M1 toifadagi transport vositalari faqat tadbirkorlik sub'ektlari tomonidan texnik ko'rikdan o'tkaziladi.

7.Tumandagi barcha transport vositalari egalari bo'lgan yuridik va jismoniy shaxslarga texnik ko'rikdan o'tkazish jadvali asosida transport vositalarini texnik jihatdan sozligini o'z vaqtida texnik ko'rikdan o'tkazish majburiyati yuklatilsin.

8.Vazirlar Mahkamasining 2021-yil 9-martdagi 125-son "Transport vositalarini majburiy texnik ko'rikdan o'tkazish tartibi to'g'risida nizomni tasdiqlash to'g'risida"gi qarori 3-bandiga ko'ra O'zbekiston Respublikasi Milliy gvardiyasi, Mudofaa vazirligi, Ichki ishlar vazirligi va Davlat xavfsizlik xizmati harbiy bo'linmalarining transport vositalari mazkur idoralar tomonidan belgilangan tartibda majburiy texnik ko'rikdan o'tkazilishi inobatga olinsin.

9.Tuman hokimligi axborot xizmati (D.Rajabov), "Yangiobod ovozi" tahririyati (A.Muhammadiev) mazkur qarorni tuman hokimligining rasmiy veb saytida hamda mahalliy matbuotda chop etish va uning ijrosi bo'yicha amalga oshirilayotgan ishlarni keng yoritib borish tavsiya etilsin.

10. Tuman hokimining 2021-yil 15-dekabrdagi "Tumanda 2022-yilda transport vositalarini majburiy texnik ko'rikdan o'tkazish to'g'risida"gi 62-3-54-Q/21-sonli qarori o'z kuchini yo'qotgan deb hisoblansin.

11. Ushbu qaror rasman e'lon qilingan kundan e'tiboran kuchga kiradi.

12. Mazkur qaror ijrosini nazorat qilish tuman hokimining moliya iqtisodiyot va kambag'allikni qisqartirish masalalari bo'yicha birinchi o'rinbosari R. Abdug'aniev zimmasiga yuklatilsin.

Tuman hokimi



I.B. Qarshiboyev

Yangiobod tuman hokimining
2023 yil 14 martdagi
28-3-54-Q/23-son qaroriga
1-ilova

**Tumanda transport vositalarini majburiy texnik ko'rikdan
o'tkazish bo'yicha tuman komissiyasi**

T A R K I B I

B.Saparov		Tuman ichki ishlar bo'limi YHXG katta inspektori kapitan, Komissiya raisi:
Komissiya a'zolari:		
M.Suvonqulov		Tuman ekologiya va atrof muhitni muhofaza qilish inspeksiyasi boshlig'i
D.Eshonqulov		Tuman Obodolashtirish boshqarmasi muxandisi
O.Ergashev		Tuman yo'llardan foydalanish unitar korxonasi harakat xavfsizligi bo'limi boshlig'i

Yangiobod tuman hokimining
2023 yil 14 martdagi
28-3-54-Q/23-son qaroriga
2-ilova

Yuridik shaxslarga tegishli transport vositalarini yillik Majburiy texnik ko'rikdan

o'tkazish jadvali

№	Korxona, tashkilotlar nomi	texnik ko'rikdan o'tkazish sanasi	Transport vositalari soni	Texnik ko'rikdan o'tkaziladigan joyi	Mas'ul xodimlar
YANGIOBOD TUMANI					
1	Tuman hokimligi	31.03.2023 yil	6	Obodonlashtirish boshqarmasi	
2	Tuman Obodonlashtirish boshqarmasi	31.03.2023 yil	2	Obodonlashtirish boshqarmasi	
3	Qishloq qurilish bank	31.03.2023 yil	2	Obodonlashtirish boshqarmasi	
4	Tuman elektr tarmoqlari korxonasi	28.04.2023 yil	4	Obodonlashtirish boshqarmasi	
5	Tuman aholi bandligiga ko'maklashish markazi	15.05.2023 yil	1	Obodonlashtirish boshqarmasi	
6	Tuman gaz filiali	31.05.2023 yil	2	Obodonlashtirish boshqarmasi	
7	“Yangiobod mega baraka” MChJ	12.06.2023 yil	1	Obodonlashtirish boshqarmasi	
8	Xo'jamushkent o'rmon xo'jaligi	20.06.2023 yil	1	Obodonlashtirish boshqarmasi	
9	Majburiy ijro byurosi	30.06.2023 yil	1	Obodonlashtirish boshqarmasi	
10	“Toza hudud”	17.07.2023 yil	2	Obodonlashtirish boshqarmasi	
11	“UMK Yangiobod chorva” MChJ	31.07.2023 yil	1	Obodonlashtirish boshqarmasi	
12	Tuman yo'llardan foydalanish unitar korxonasi	30.08.2023 yil	5	Tuman yo'llardan foydalanish unitar korxonasi	
13	Veterinariya bo'limi	08.09.2023 yil	1	Obodonlashtirish boshqarmasi	
14	Xalq ta'limi bo'limi	19.09.2023 yil	2	Obodonlashtirish boshqarmasi	
15	“Xavotog' gulshani sanatoriyasi” MCh	29.09.2023 yil	2	Obodonlashtirish boshqarmasi	
16	Davlat soliq inspeksiyasi	16.10.2023 yil	1	Obodonlashtirish boshqarmasi	
17	Adliya bo'limi	31.10.2023 yil	2	Obodonlashtirish boshqarmasi	
18	Tuman sanitariya va epidemiologiya osyishtalik va jamoat salomatligi bo'limi	29.11.2023 yil	2	Obodonlashtirish boshqarmasi	

19	Madaniyat bo'limi	29.12.2023 yil	1	Obodonlashtirish boshqarmasi	
----	-------------------	----------------	---	---------------------------------	--